

---

Title	Kekeliruan alomorf: Kes, ber, be dan bel
Author(s)	Mohamed Naim Daipi
Source	<i>Sekata</i> , 1(2), 10-15
Published by	The Malay Language Council

---

Copyright © 1984 The Malay Language Council

This document may be used for private study or research purpose only. This document or any part of it may not be duplicated and/or distributed without permission of the copyright owner.

The Singapore Copyright Act applies to the use of this document.

This document first appeared in: Mohamed Naim Daipi. (1984). Kekeliruan alomorf: Kes, ber, be dan bel. *Sekata*, 1(2), 10-15.

This document was archived with permission from the copyright owner.

## KEKELIRUAN ALOMORF: KES, BER, BE DAN BEL

*Oleh*

**Mohamed Naim Daipi**

*Institut Perkembangan Kurikulum  
Singapura*

Pada dasarnya penggunaan awalan **beR** jarang sekali menimbulkan kekeliruan kepada penggunanya. Tidak seperti awalan **meN**, kekeliruan masih lagi ketara. Sekadar contoh diperturunkan penggunaan awalan **meN** seperti yang diterapkan dalam buku **Terdampar**:

- 1) Mereka semua betul-betul **mengnikmati** bayu petang. (hal : 8)  
— seharusnya menikmati.
- 2) Satu letupan yang amat kuat kedengaran **mengegarkan** kapal itu. (hal : 14) — seharusnya menggegarkan.
- 3) Tabir malam perlahan-lahan mengambil alih tempatnya, **menganti** siang. (hal : 21) — seharusnya menggantikan
- 4) Adi mengunyah buah itu perlahan-lahan untuk **mempasti** yang buah itu tidak mabuk dan benar-benar boleh dimakan. (hal : 26)  
— seharusnya memastikan.
- 5) Adi terus cuba **mengunakan** bahasa isyarat. (hal : 39)  
— seharusnya menggunakan.
- 6) Allah telah **mengkabulkan** doa kita. (hal : 95)  
— seharusnya mengabulkan.

Seperti yang dimaklumi, awalan **meN** mempunyai variasi fonologi yang ditentukan oleh huruf atau fonem pertama kata dasarnya. Tidak seperti awalan **beR**, ketentuan variasi fonologinya tidak begitu menyukarkan, kecuali

pada penggunaan alomorf **be** dan **bel**. Di sini pengawalarasan (disimilasi) terjadi ke atas kata bentukan yang menggunakan alomorf-alomorf tersebut.

Alomorf **bel** hanya muncul pada perkataan ajar sahaja, iaitu **belajar**. Bentuk **bel** tidak muncul pada perkataan-perkataan seperti:

- ujar — berujar (bukan belujar)
- akar — berakar (bukan belakar)
- edar — beredar (bukan beledar)
- ekor — berekor (bukan belekor).

Sementara alomorf **be** pula muncul apabila kata dasar fonem awalnya **r**, sekadar contoh saya perturunkan ayat-ayat yang mengandungi perkara tersebut daripada buku **Terdampar**:

- 7) Mereka kembali semula ke bawah pohon rendang di mana mereka **berehat**. (hal : 19)
  - bukan berrehat.
- 8) Mereka tidak **berenggang** barang seketika pun. (hal : 85)
  - bukan berrenggang.
- 9) Mereka pun **berenang** perlahan-lahan. (hal : 92)
  - bukan berrenang.
- 10) Sebentar kemudian Ma **berebut-rebut** turun bersama dua ekor beruk tua itu. (hal : 56)
  - bukan berrebut-rebut.

Alomorf **be** juga muncul apabila suku kata pertama sesuatu perkataan itu berakhiran **er**. Sekadar contoh perkataan **bekerja** (ber+kerja). Perhatikan ayat-ayat ini:

- 11) Dia tidak kekal **bekerja** di situ. (Cinta, hal : 56)  
*bukan*
- 12) Ia **berkerja** di rumah Chaudhuy sebagai amah untuk menyara kehidupannya. (Suara Remaja, hal : 15)

Begitu juga pada perkataan **beberapa** (ber+berapa):

- 13) **Beberapa** keping lukisan tergantung di dindingnya. (Cinta, hal : 53)  
*bukan*
- 14) Dan mereka dapati sudah ada **berberapa** ekor beruk di samping mereka dengan buah-buahan. (Terdampar, hal : 71)

Alomorf **be** tidak terbentuk pada perkataan **sabar**. Sekadar contoh:

- 15) **Besabarlah** Wan, mungkin hari ini kita ditimpa kesusahan. (Mariam, hal : 28)  
*seharusnya*
- 16) **Bersabarlah**. Kesabaran tanda bersyukur pada Tuhan. (Sand-  
hayakala, hal : 67)

Begitu juga, bentuk **be** tidak muncul pada perkataan-perkataan yang suku kata pertamanya berakhiran **ar, ir, or** dan **ur**. **Sekadar contoh:**

- garpu — bergarpu (bukan begarpu)  
sarban — bersarban (bukan besarban)  
sirna — bersirna (bukan besarirna)  
firman — berfirman (bukan befirman)  
korban — berkorban (bukan bekorban)  
hormat — berhormat (bukan behormat)  
kursus — berpurdah (bukan bepurdah)

Jadi; secara fonologis, perkataan-perkataan yang bersuku kata pertamanya berakhiran **er** apabila menerima **awalan beR** mengalami proses pengawalarasan seperti perkataan **bekerja** tadi. J.S. Badudu menerusi bukunya Inilah Bahasa Indonesia Yang Benar, menerima kata bentukan ini:

- beserta** (be+serta)  
**beternak** (be+ternak)  
**bepergian** (be+pergi+an)  
**beterbangan** (be+terbang+an)

Proses Pengawalarasan seperti ini boleh juga kita dapati dalam buku Hikayat Hang Tuah:

- 17) Maka dasar daripada emas yang **bepermata** itu dipakainya. (hal : 298)

Malah proses ini terjadi tidak sahaja kepada kata dasar tetapi pada kata bentukan seperti persembahan.

- 18) Maka Tun Tuah pun taulah akan erti pandang inangda itu kalau Tun Tuah tiada **bepersembahan**. (hal : 183)

Walaupun demikian, Awang sariyan melalui kertas kerjanya, Yang Cemar dan Yang Murni Dalam Bahasa Melayu, menerima kedua-dua bentuk tersebut kecuali pada kata dasar **kerja**. **sekadar contoh:**

- cermin — **becermin**                      atau **bercermin**  
derma — **bederma**                      atau **berderma**

serta — **beserta** atau **berserta**  
terbang — **beterbangan** atau **berterbangan**

Melalui kelaziman kita, kata bentukan **berlayar** dan **belayar** mempunyai pengertiannya yang tersendiri. Kalaulah mengikut apa yang telah disebutkan di atas, kata bentukan **belayar** tidak muncul. Perhatikan ayat-ayat ini:

- 19) Perahu yang tidak **berlayar** itu terombang-ambing di tengah lautan.
- 20) Tongkang itu pun **belayar** meninggalkan Singapura.

Walaupun demikian terdapat juga pemakaian yang sama pengertiannya:

- 21) Hatta beberapa lamanya **belayar** itu maka laksamana pun sampailah ke Melaka. (Hikayat Hang Tuah, Hal : 408)
- 22) Maka Tun Perpatih Pandak pun **berlayarlah** ke Singapura. (Sejarah Melayu, hal : 84)

Dalam menggunakan awalan **beR**, kita akan menjumpai bentuk tulisan yang sama tetapi mempunyai pengertian yang tersendiri. Bentuk ini disebut homograf. Pengertian sesuatu perkataan hanya dapat dijeliasikan dalam bentuk ayat. Sekadar contoh: **beruang** (sejenis binatang) dengan **beruang** (mempunyai ruang).

- 23) **Beruang** betina di taman haiwan telah dinamakan Murni. (sejenis binatang).
- 24) Durian itu **beruang** enam. (petak-petaknya)

Melalui ayat 23, tidak muncul awalan **beR**, sedang dalam ayat 24, perkataan **beruang** berkata berdasarkan **ruang**.

Begitu juga pada perkataan-perkataan ini:

- 25) Jangka suhu itu sudah tidak **beraksa** lagi. (mempunyai raksa [logam cair]).
- 26) Syah Kobat pun segera menunggang **beraksa** itu ke angkasa raya. (bermaksud kuda terbang)
- 27) Bagaimana saya hendak berjalan di malam yang pekat ini, kalau tidak **berandang**. (mempunyai andang [suluh]).
- 28) Dari sini kita dapat **berandang** bot penyeludup itu. (bermaksud mudah tampak)

Perkataan-perkataan lain ialah **beroti**, **beruas**, **berangan**, **berambung** dan lain-lain lagi.

Sementara kata bentukan **beramah** dapat dijelaskan kata dasarnya sama ada **ramah** (mesra) atau **amah** (pembantu rumah):

- 29) Oleh kerana hartawan itu tidak **beramah**, semua kerja-kerja rumah dibuat oleh isteri dan anak-anaknya.
- 30) Penyanyi baru itu sedang **beramah-tamah** dengan peminat-peminatnya.

Melalui ayat-ayat di bawah ini pula, tidak muncul **alomorf bel** pada perkataan **belanak**, sementara pada perkataan **beranak**, jelas terbentuk daripada kata dasar **anak**.

Contoh dalam ayat:

- 31) Di dalam jaringnya terdapat dua tiga ekor **belanak**. (sejenis ikan)
- 32) Wanita muda itu **beranak** dua. (mempunyai anak)
- 33) Dia baru sahaja **beranak** di Hospital Kandang Kerbau. (bersalin)

Contoh yang lain:

- 34) Bermula akan tempat si Jebat derhaka digantung itu sampai sekarang ini tiada tumbuh rumput, ada sebidang **belulang** luasnya. (Hikayat Hang Tuah, hal : 329) — tidak muncul **awalan beR**.
- 35) Tejah **berulang** kali saya menasihatinya, namun semua nasihat daya itu tidak diendharkannya. (kata dasarnya : **ulang**)

Melalui penulisan juga terdapat perkataan-perkataan seperti **bebold**, **bebayang**, **beberas**, **bebiji**, **bebulu** dan sebagainya. Perkataan-perkataan tersebut berbentuk dwipurwa, bukan mengalami **alomorf be**.

Contoh dalam ayat:

- 36) **Bebaling** (*baling-baling, kincir angin*):

**Bebaling** yang digunakan di ladang itu sudah tidak boleh digunakan lagi.

Kecuali pada perkataan ini, **awalan beR** amat jelas sekali:

- 37) **Berbaling-balingan** (*ber+baling-baling+an*)

Janganlah kamu **berbaling-balingan** batu di tempat orang berlalu lalang ini.

Sekian. Semoga percakapan ini memanfaatkan.

## **BAHAN BACAAN DAN RUJUKAN:**

Yang Benar dan Yang Murni dalam Bahasa Melayu, Awang Sariyan, kertas kerja Kuliah Pengantar Linguistik anjuran Majlis Pusat, 1984.

- 2) Inilah Bahasa Indonesia Yang Benar, J.S. Badudu, PT Gramedia, Jakarta 1983.
- 3) Analisis Bahasa, Edisi Lima, Samsuri, Erlanga, Jakarta, 1983.
- 4) Mengajar Imbuhan Melayu, Dr. Koh Boh Boon, Utusan Melayu, Kuala Lumpur, 1982.
- 5) Terdampar, Ahmad Awang, Solo Enterprises, 1982.
- 6) Cinta, Suraidi Sipan, Solo Enterprises, 1977.
- 7) Suara Remaja, Perkhidmatan Muda-mudi Perpustakaan Negara, Singapura, 1979.
- 8) Mariam, Suraidi Sipan, Solo Enterprises, 1978.
- 9) Sandhayakala, Mohd Latiff Mohd, ICSDCA, Bali, 1984.
- 10) Pelita Bahasa Melayu, Penggal 1, Zainal Abidin Ahmad, DBP, Kuala Lumpur, 1958.
- 11) Hikayat Hang Tuah, Cetakan 3, DBP, Kuala Lumpur, 1968.
- 12) Sejarah Melayu, W.G. Shellabear, Fajar Bakti, KL, 1975.